

ORDENSREGLAR FOR LESJA SKULE

Skulane i Lesja skal arbeide for at alle skal ha eit best mogleg læringsmiljø, der trygghet og trivsel er i sentrum. Ver derfor høfleg og vis omtanke og respekt for alle dei som er rundt deg, og ta ansvar for at utstyr og bygningar blir tatt godt vare på. Ein skal ikkje banne eller bruke ukvemsord, eller utøve krenkjande åtferd overfor nokon.

På Lesja skule skal elevane:

I timane:

- Halde orden i eigne skulesaker, og i klasserommet
- Følgje klassereglane
- Slå av mobiltelefon / anna elektronisk utstyr som kan forstyrre undervisninga
- Bruke tilvist plass i gangen til sko og yttertøy.

I friminutta:

- Vere ute. Gangar og toalett er ikkje opphaldsrom.
- Vere innafor skulen sitt område, og i all hovudsak på området som høyrer til trinnet dei går på.
- Dersom ein har ærend utanfor skulen sitt område i skuletida, skal ein ha med skriftleg melding heimafrå i meldingsboka.
- Snøballkasting/snøbasing er berre tillate på tilvist område.
- Elevrådet i ungdomsskulen kan søkje om «innekontrakt». Konkrete «innereglar» blir nedfelt i kontrakten.
- Elevar i 10.klasse har i langfriminuttet høve til å gå utanfor skuleområdet, men dei har ikkje lov til å handle noko til andre elevar om dei går på butikken. Ordensreglane for skulen gjeld også utanfor skulen sitt område.

På skuleveg:

- Følgje reglar for åtferd på skulevegen/skulebussen (utarbeidd av elevråda)

Elektronisk utstyr:

- Mobiltelefonar og anna elektronisk utstyr skal kun brukast fornuftig. Det er ikkje lov å ta bilete av nokon eller publisere slike bilete utan at vedkomande har godkjent det.
- Bruk av sosiale medium er berre lov i friminutta.

Helsemessige og hygieniske forhold:

- Elevane skal ha melding heimafrå om dei ikkje kan delta i kroppsøving. Skulen kan be om melding frå lege.
- Bruk av brus, tyggegummi eller andre søtsaker er ikkje tillate i skuletida.
- Alle hjelper til med å halde det ryddig og reint på skuleområdet. Kvar klasse har sitt ryddeområde.
- Det er forbode med bruk av tobakk og andre rusmiddel på skuleområdet og ved arrangement som skulen har ansvaret for.

Særskilte reglar

Det gjeld særskilte reglar for:

- Elevtilstellingar
- Bruk av svømmehall, idrettshall og garderobe
- Bruk av bibliotek

NB! Dersom noko vert øydelagt, inne eller ute, må det straks meldast frå til kontoret eller kontaktlærar. Den/dei som er ansvarlege for skaden må reparere, eller betale skaden. Det er skilnad på hærverk og uhell.

Når skulen sine ordensreglar vert brote, kan følgjande refsingstiltak bli tatt i bruk:

- Påtale
- Melding heim
- Inndraging av t.d. mobiltelefon i inntil ei veke.
- Attsitjing etter skuletid
- Diverse arbeidsoppgåver
- Overføring frå klassa/gruppa for ein del av dagen/timen til ein anna aktivitet eller eit anna tilsyn.
- Bortvising. For ungdomsskuleelevar: inntil tre dagar. For elevar på barnetrinnet: for enkelttimar eller for resten av dagen. Rektor vedtek bortvising etter å ha rådført seg med lærar.

Før det blir teke avgjerd om større refsingstiltak, skal eleven ha høve til å forklare seg munnleg for den som skal ta avgjerda. Heimen skal varslast snarast råd.

Ordensreglane gjeld så lenge du opptrer som elev på Lesja skule, og ikkje anna reglement er gjeldande.

(Sist revidert: mai 2013.)